

**ZAPISNIK SA 30. SJEDNICE UO-a SAMOSTALNOG SINDIKATA RADNIKA u BHRT-u, održane  
25.04. 2017. godine**

**Prisutni:** D. Smital; E. Čengić, N. Žuga; E. Fočo; M. Grbo; D. Miljević; M. Baručija; N. Čordalija; Dž. Kahrica; N. Hodžić; N. Arnautović G. Brkić; B.Hamzagić, T. Maličbegović, O. Bukić, M. K. Pašalić

**Odsutni:;** S. Topalić - opravdano

Dnevni red:

1. Zapisnik sa 29.sjednice UO SSRUBHRT-u
2. Aktuelna situacija u BHRT-u  
- kašnjenje primanja i doprinosa  
- protest
3. Minimum procesa rada u slučaju štrajka
4. Finansije
5. Izvještaj i specifikacija BSO za mart 2017/ N. Žuga
6. Dodjela pomoći / prijedlog komisije
7. Razno

D.Smital je otvorio sjednicu i predložio da se zapisnik sa 29.sjednice, koji je kasnio, uvrsti u dnevni red sjednice. Upravni Odbor je jednoglasno prihvatio prijedlog.

**AD 1** Predloženi izmjenjeni dnevni red je jednoglasno usvojen, nakon čega se prešlo na usvajanje zapisnika sa 29 sjednice, koji je takođe jednoglasno usvojen. Zbog kašnjenja kolega N.Čordalije i M.Baručije, kao i važnosti 2. i 3. tačke dnevnog reda, D.Smital je predložio da se na početku sjednice razmatraju tačke 4,5 i 6 što je UO prihvatio.

**AD 4** Elvis Čengić je podnio izvještaj o utrošku sredstava za 8.mart u kom je navedeno da je uz popust koji smo dobili potrošeno 4 108,75 KM. Zbog izlaska iz sindikata, dvije kartice u iznosu od po 25KM su ostale višak pa su iste prebačene Komisiji za dodjelu pomoći. Izvještaj i odluka o izdvajanju sredstava za 8.mart su jednoglasno usvojeni. Izvještaj o poslovanju sindikata za mjesec mart 2017. godine je primljen k znanju. D.Smital je izvjestio UO o dopisu M.Hot iz finansija u vezi njene molbe za naknadom, a zbog obima posla koji radi za sindikat. Na prijedlog Dž.Kahrice jednoglasno je usvojen zaključak da se izvršni sekretar zadužuje da obavi razgovore sa svima koji imaju naknade za svoj rad u sindikatu, kako bi se troškovi umanjili, da taj finalni prijedlog iznese rukovodstvu sindikata, koje će ga na sljedećoj sjednici prezentovati U.O.

**AD 5** Izvještaj BSO za mjesec mart 2017.godine je primljen k znanju. Dž.Kahrica je upoznao UO sa prijedlogom za produženje ugovora sa BSO osiguranjem u kojem se pored kreditiranja naših članova od strane BSO-a i svih dosadašnjih popusta nudi i start paket BIHAMK-a za sve članove koji registruju vozila u BSO osiguranju. Upravni odbor je jednoglasno prihvatio zaključak da se produži ugovor sindikata sa BSO osiguranjem. N.Žuga je predložio zaključak da zbog aktuelne finansijske situacije ubuduće jedan član sindikata može registrovati samo jedno vozilo. Zaključak je jednoglasno prihvaćen.

**AD 6** Na ovoj sjednici je podijeljena pomoć za člana: Kerim Hurla-500 III dio i poklon Baby paket: Damir Kerla 150,00 KM (uz 2 bona od 25 KM, preostala od 8.marta). Prijedlog komisije o dodjeli pomoći je jednoglasno usvojen za cjelokupni iznos od 650,00 KM.

**AD 2** D.Smital je upoznao prisutne o sastancima koje je rukovodstvo sindikata održalo u proteklom periodu i to:

Dana 11.04.2017.godine Damir Smital se sastao sa potpredsjednikom SSSBiH Selvedinom Šatorovićem u vezi organizacije i planiranja protesta ispred PS BiH. Po dogovoru, sindikatu su poslani urneci dopisa za MUP i nadležne institucije za najavu protesta.

Zbog aktuelne finansijske situacije rukovodstvo sindikata je održalo 12.04.2017.godine hitan sastanak sa generalnim direktorom na kojem je tražen plan izlaska iz krize kao i mjere koje menadžment može uraditi u ovom periodu a vezano je za reorganizaciju unutar BHRT-a. Na ovom sastanku ukazano je na problem neplaniranja sedmičnog plana u Voznom parku.

Na sastanku koji je održan 19.04.2017.godine prisutni su bili : M.Memija, B.Karamehmedović, S.Čumurović, M.Vrankić, B.Butković, D.Smital, Dz.Kahrica, E.Čengić Na poziv gospodina M.Memije održan je sastanak u vezi nedostatka programskih sadržaja BHRT-a, a na koje je naš sindikat ukazivao nekoliko puta. Naravno, radi se o nedostatnoj zastupljenosti u programu, programskih sadržaja koji govore i o finansijskoj situaciji, kao i općenito o BHRT-u. Rukovodstvo sindikata je napomenulo da se ovakvi sastanci organizuju unazad dvije godine sa istom inicijativom i da se od tada ništa nije promijenilo u programu. Koristi se jako malo ili nimalo medijski prostor kako bi se upoznala javnost o problemima kao i stvarnim stanjem na BHRT-u. Sindikat je napomenuo da se pored programa može dosta stvari uraditi unutar BHRT-a, koje ne iziskuju novac, a to se prije svega odnosi na reorganizaciju koja je neophodna. Nakon duže diskusije zaključeno je da S.Čumurović, M.Vrankić i B.Butković naprave plan programa i promocije BHRT-a koji bi trebali iznijeti početkom slijedeće sedmice.

Nakon ovog sastanka rukovodstvo sindikata je održalo kraći sastanak sa generalnim direktorom

Na sastanku koji je održan 19.04.2017.godine prisutni su bili : B.Karamehmedović, D.Smital, Dz.Kahrica, E.Čengić. Rukovodstvo sindikata je iznijelo generalnom direktoru da raste nezadovoljstvo i zabrinutost radnika BHRT-a, zbog kašnjenja isplate toplog obroka, kao i mogućeg kašnjenja plate.

Generalni direktor je iznio da su plaćeni kredit za digitalizaciju i jedan dio zdravstvenog osiguranja za decembar 2016. i da trenutno na računu nema novca, te da će se sav ubuduće prikupljeni novac čuvati za topli obrok.

Rukovodstvo sindikata je iznijelo da su radnici na rubu snaga što se u velikoj mjeri odražava na njihovo zdravlje.

24.04.2017.godine rukovodstvo sindikata je na sastanku sa M.Memijom i ljudima iz programa BHRT-a upoznao sa planom programa i emisijom koje će se pokrenuti zbog situacije u kojoj se nalazi naša kuća.

Istog dana, rukovodstvo sindikata je održalo i kratak sastanak sa generalnim direktorom zbog kašnjenja toplog obroka. Zbog aktuelne situacije, UO BHRT-a je zakazao hitnu sjednicu na kojoj su doneseni zaključci vezani za potraživanja sredstava od entitetskih emitera.

Nakon izvještaja, D. Smital je otvorio diskusiju.

G.Brkić je postavio pitanje nedostatka reportažnih kola zbog kojih ćemo izgubiti sve prijenose, a koji bi se trebali realizovati u našoj produkciji i zbog toga je inicirao da se ponovno šalje zahtjev za sastankom sa ministrom Juskom.

Poslije duge diskusije, a na inicijativu Podružnice IT Centara, jednoglasno je usvojen zaključak koji će biti poslan UO BHRT-a i generalnom direktoru BHRT-a:  
UO Samostalnog sindikata radnika u BHRT-u zahtjeva od UO BHRT-a i generalnog direktora da se obustave sve usluge koje pružamo entitetskim emiterima dok ovi pravni subjekti ne počnu sa izmirivanjem dugova prema BHRT-u.  
Također, napominjemo da će se Sindikat za sva prava radnika BHRT-a boriti svim zakonom dozvoljenim sredstvima.  
Od UO BHRT-a je zatraženo da svoje mišljenje i odgovor na ovaj zahtjev dostave najkasnije do 06.05.2017.godine.

**AD 3** D.Smital je obrazložio zajednički prijedlog podružnica RTV Produkcija, Imovina, PEP i Ured generalnog direktora o minimumu procesa rada u slučaju štrajka, a koji bi sindikat kao svoje mišljenje trebao dostaviti menadžmentu BHRT-a.

T.Maličbegović je postavio pitanje koliko bi štrajk trebao trajati i šta je sa ljudima koji nisu u minimumu procesa rada. D.Smital je još jednom napomenuo da se po ovom prijedlogu ljudi rotiraju i da neće uvijek isti izvršioći raditi. T.Maličbegović je predložio da sindikat predloži minimalac umjesto štrajka, na što mu je D.Smital odgovorio da pitanje nije minimalac ili štrajk, već donošenje akta o minimumu procesa rada u slučaju štrajka koji predstavlja preduslov za mogućnost eventualnog pokretanja štrajka, a sve pod uslovom da ovaj prijedlog prihvate BHRT i Vijeće ministara.

D.Smital je također napomenuo da odluku o stupanju u štrajk, njegovom početku i kraju, ako se usvoji minimum procesa rada, opet donosi sindikat.

N.Čordalija je istakao da je broj ljudi iz njegove podružnice umanjen, da nije u skladu sa zakonom i da rukovodilac službe neće pristati ni na kakav minimum rada ispod 24 čovjeka, jer je već dao ustupke vezano za kurire, socijalnog i grafičkog radnika.

N.Arnautović je postavio pitanje ko je predložio smanjenje broja ljudi u MP i napustio sjednicu.

Nakon duge i iscrpne rasprave, D.Smital je prijedlog mišljenja sindikata o minimumu procesa rada u slučaju štrajka dao na glasanje, a glasalo se pojedinačno i to:

**ZA:** D. Smital; E. Čengić, N. Žuga, E. Fočo, M. Grbo, M. Baručija, Dž. Kahrica, N. Hodžić, G. Brkić, B.Hamzagić, O. Bukić, M. K. Pašalić

**PROTIV:** D. Miljević N.Čordalija; T.Maličbegović

Prijedlog je usvojen sa **12** glasova **ZA** i **3** glasa **PROTIV**.

Mišljenje će biti dostavljeno BHRT-u.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital